


दुइथो डगरा



दुइथो डगरा बा, कौन रोज्बी ?

जब हम्रे कब्बो नैगइलक ठाउँमे जाइकलक यात्रा करे लागब, तब कौन डगरा जैना ओ ऊ ठाउँमे कैसिक पुगना हो, कहिके पहिले मजासे पुछपाछ कैके ओ आँख खोल्के नेडती, हो कि नै ? यदि हम्रे गलती डगरा नेडगती बती कहिके थाहा पैतिकी हम्रे फरक्कसे घुमके ठीक डगरा खोज्ती जैथी ।

यी संसारमे हम्रे सक्कु दिनप्रतिदिन यात्रा कैती कैती अनन्तकाल ओर जैतीबती अइसीन एकथो निशाना ओर जैति बति जेकर अन्त कब्बो नै

हुइथ । एकबेर उँहा पुग जाब कलेसे हमार अवस्था कब्बो नैबदली । यकरकारण प्रिय संघारिन्के अपनीन्के कहाँ जैती बती, का यी बात अपनिन्हे थाहा बा ?

हम्रहिनू डगरा देखुइया किताब :

हम्रहिनहे सृष्टि करुइया (बनुइया) परमेश्वर अपन प्रेम ओ कृपा अन्सार हम्रहिनहे एकथो डगरा देखुइया किताब देले बताँ । ऊ किताबके नाउँ पवित्रशास्त्र बाइबल हो । यी किताब हम्रेहिन कौन डगरा ओर, स्वर्ग जैना डगरा ओरकि, नरकमे लैजैना डगरा ओर नेडगती बती, यी स्पष्ट रूपमे हम्रहिनू देखाइथ । यी छोट मोट पचाँमे देलक सक्कु खण्ड ओहे बाइबल किताब मन्से निकरलक हो । 'उहाँक बचन(बोली) मोर गोडाके लक बत्ती ओ डगराके लक ओजरार हो' (भजनसंग्रह ११९:१०५) ।

चाकर डगरा :

हमार, आत्मिक यात्राके लग दुइथो डगराकिल बा । एकथो चाकर ओ दोसर साँकिर डगरा बा । चाकर डगरामे धेउर मनै नैगथा । 'साँकिर ढोका ओसेँ भित्रर पैथो, काहँकी विनाशमे लैजैना डवाँर चाकर रहथ ओ यमे पैथना मनै धेउर रहथा' (मत्ति ७:१३) । यी चाकर डगरामे नैगना धेउर जनहनके आँख बन्द रहथिन् । विनाशके डगरामे लैजैना बात ओइनेहे थाहा नैरहथिन्, ओ ओइने यकर वास्ताफेन नैकरथा । 'कौनो डगरा मनैन्हे सोभ लगथिन, लेकिन ओहे ओइनेहे मृत्युमे पुरयाइथिन' (हितोपदेश ४:१२) । 'यी संसारके देवता विश्वास नैकना मनैन्के समभना शक्तिहे आधार सम्भले बा' (२ कोरिन्थी ४:४) ।

बोभ्रा :

यी चाकर डगरामे यात्रा कैना मनै पापके बोभ्रसे भरल रहथ । 'सक्कु जाने पाप कैले बताँ ओ परमेश्वरके महिमा विना हुइल बताँ' (रोमी ३:२३) । हम्रे परमेश्वरके आघे कौनो पाप फेन छिपाइ नैसेकब । काहेकी हम्रे एकथो बात याद

करके परथ-‘मनै बाहरके रुप हेरके विचार कैथा, लेकिन परमप्रभु भित्तरके हृदय हेरके विचार कैथा’ (१ शामुएल १६:७)। यी बोझ मनैन्के मनमे लादल रहथिन्। अपन कोशिशसे हम्ने अइसिन एकथो छोटमोट पापसे फेन छुटकारा पाईनै सेकब, लेकिन समय बित्ती जाइबेर यी बोझ आउर नोडर हुइती जाई। ‘ओ याद राखबी पापके ज्वाला मृत्यु हा’ (रोमी ६:२३)।

परमेश्वरके न्याय

यी पर्चाके नक्शामे एकघचिक ध्यान लगाई विजली चम्कलक देखबी ? यी परमेश्वरके डर लगना न्याय देखाईथ। ‘मनैन्के लक एकचो मूना ओ ओकर पाछे इन्साफ नियुक्त कैलबा’ (हिब्रु ९:२७)। ‘मै एकथो भारो उज्जर सिंहासन ओ ओकर उप्पर विराजमान येशू खीष्टहे देखलु ओ मै भारी ओ छोट सक्कुजनहन मुअल ओ ओहे सिंहासनके सामने थरहयाइल देखलु किताब खोललरहे ओ दोसर किताबफेन खोलल रहे, जौन जीवनके किताब हो, ओ यी किताबमे लिखल रलक बात ओइनके काम अनसार मूलक मनैन्के इन्साफ हुईल बतिन्। ओ हरेक जेकर नाम जीवनके किताबमे लिखल नैरही ऊ अगिनकुण्डमे फकाजाई’ (प्रकाश २०:११,१२,१५)।

नरकके नै बुत्ता आगी :

परमेश्वर पवित्र ओ सिद्ध बता, यकरकारण पापके सजाय हुइहीपरो। परमेश्वरके वचन नरकके बारेमे बताइथ, यी एकथो कब्बो नैबुत्ता आगी हो। परमेश्वरके आज्ञा नैमन्ना सक्कु जाने पापके सजाय भोगे पहिन। बाइबल कहथ: ‘नरकमे जाइकलक हम्ने धेउर खराब हुइ नैपरथ परमेश्वरहे विश्रैना वा वास्ता नैकैना मनै फेन उहे जइथा’ (भजनसँग्रह ९:१७)। परमेश्वर प्रेम फेन कैथा। ‘केउफेन नास नहोउ, लेकिन सक्कु जाने पश्चाताप करित कहता उहाँक इच्छा बतिन्’, (२ पत्रुस ३:९)। उहाँ अन्ता कृपालु ओ प्रेमी

बता, यकर ओसे नरकके सजायसे उम्कना चाहना मनैन्के लक उहाँ एकथो जीना उपाय तयार पलैबताँ। का अपनी यी साँकिर जीवन देना डगरा फेला पारक चाहथी ?

जीवनके डगरा प्रभु येशू हुइत् :

हम्ने अपनहे पाप ओ पापके दण्डसे बचाइ नैसेकबी। यकरकारण परमेश्वर अपनेहे एकथो मुक्तिदाताके प्रबन्ध कैला। ‘परमेश्वर संसारहे अइसिन प्रेम कैला, उहाँ अपन एकथो छावा देला कि उहाँकमे विश्वास कैना सक्कु जाने नाश नै हुइत, लेकिन ऊ अनन्त जीवन पाई’ (युहन्ना ३:१६)। परमेश्वर अपन एकथो छावा यीशू खीष्टहे संसारमे पठैला। प्रभु यीशू खीष्ट मनै रहित तब्बो फेन कब्बो पाप नैकैला, काहेकी उहाँ परमेश्वरके छावा रहित। सुकर्म कैती ओ विमारी मनैन्हे चोखओइति, उहाँ चारु ओर नैगती, उहाँ कोटी मनैन् शुद्ध पाला दुष्ट आत्मा (भुत आत्मा) निकर्ती मनैन्हे परमेश्वरके राज्यके विषयमे शिक्षा देति सुसमाचार सुनैती ओ पश्चातापी मनैन्हे पापके क्षमा देला।

लेकिन प्रभु यीशू काकरे मनै हुइल हुइही ते ? यकरकारण खास उद्देश्य का रहे ? उहाँ हमार सक्कुहुनके पापके लक काठके ऋसमे मरके बलि हुइला। उहाँकमे पाप नै हुइलक ओसेँ हमार पापके लक दाम तिकेँ उहाँ अपन धेउर मूल्यक रगत बगाई पलिन्। उहाँ दुष्टन्के हातमे पर्ला ओइने उहाँहे कोर्रा लगाके उहाँक शरीरमे चोटेचोट पारके उहाँक कपारीम काँडाक मुकुट लगाके ओ गिल्लाकैलीन। ऊ सक्कु दुष्ट मनै उहाहे खिसीमे उडादेलिन्। अन्तमे उहाँक हात गोडामे किल्ला ठोक्के उहाँहे ऋसमे टाडगके मलिन्। यी सक्कु काकरे हुइल ? बाइबल कहथ: ‘उहाँ अपन शरीरमे हमार पाप ऋसमे बोकला।’ ‘हम्निन् परमेश्वर थेन लैजाईकलक उहाँ शरीरमे मूला’ (१ पत्रुस २:२४, ३:१८)। उहाँ अपनिक ओ मारीक पापके लक ऋसके धेर दुःख सहके मूला।

प्रभु यीशू मरके फेन जिक्के उठल बत्ताँ :

तीन दिन मसानघाट(चिहान)मे रहके प्रभु यीशू मरल मनसे जीके उठल बत्ताँ उहाँ अपन चेलवन थेन देखा परला । ओइनसँगे खैती ओ परमेश्वरके राज्यक बारेम बटुओइती उहाँ चालिस दिन सम् यी पृथ्वीमे रहला । ओकर पाछे उहाँ अपन चेलनके साम्नेसे स्वर्ग ओर चल गइला, जहा उहाँ आज परमेश्वरके दाहिन हात ओर विराजमान बता । उहाँ जियल प्रभु ओ मुक्तिदाता हुइत । 'उहासगे स्वर्ग ओ पृथ्वीके सक्कु अधिकार बतिन' (मत्ति २८:१८) । 'यहे कारणसे उहाहे परमेश्वर थेन अइना सक्कुहुन सक्कु मेरके मुक्ति देहकलक उहाँ तयार बता, काहेकी ओइन लक अन्तरविन्ती करक् उहाँ सक्कु दिन जीवीत बता' (हिब्रु ७:२५) ।

महिमित स्वर्ग :

स्वर्ग उ ठाउँ हो, जहाँ परमेश्वर अपन सारा महिमा सहित विराजमान बत्ताँ प्रभु यीशू अपन चेलनहे कहथा: 'मै तुहिनके लक एकथो ठाउँ तयारपारे जाइतुँ । ओ यदि मै तुहिनके लक ठाउँ तयार पार्के मै फेन अइम ओ तुहिनहे मोर थेन लैजइम, ओ जहाँ मै रहथु उहाँ तुहुरेफेन रहबो' (यूहन्ना १४:२,३) । स्वर्ग एकथो अचम्मक ठाउँ हो, जहाँ 'परमेश्वर आँखी मन्से अइलक सक्कु आँस पुछविहीं ओ जहाँ मृत्यु कब्बो नै हुई, नाते शोक, नारुवाई, ना दुःख(पिडा) कब्बो हुई । पहिलक चिज बितराखल बा । उहाँ रात फेन नैहुई । परमेश्वर ओइनहे ओजरार दिहिन' (प्रकाश २१:४ र २२:५) । स्वर्ग एक पवित्र ठाउँ हो, 'जेकर भित्रर अपवित्र पर्ना, घिनलगना काम कैना वा भुट बात बतुओइना केउफेन, कौनो रीतिसे पैठे नैपईही, लेकिन जेकर नाउँ थुमा अथवा प्रभु यीशूके जीवनके पुस्तकमे लिखल बा, ओइने किल पैठे पइही' (प्रकाश २१:२७) ।

स्वर्ग जैना एकथो किल डगरा बा । प्रभु यीशू कहथा: 'डगरा, सत्य ओ जीवन मै हूँ, महीसे बाहेक आउर कौनो डगरा परमेश्वर थेन जाई नैसैकही'

(यूहन्ना १४:६) । 'नाते आउर केकरो थेन मुक्तिबा, काहेकी स्वर्गक तारे मनैनके विचमे यीशूके नाउ बाहेक आउर कौनो नाउ देहल नै हो, जिहिसे हम्मे मुक्ति पाईपरी' (प्रेरित ४:१२) ।

स्वर्ग जैना डगरामे हम्मे कैसिक पैथे सेक्खी ?

- १) 'पश्चाताप करो ओ सुसमाचारमे विश्वास करो' (मर्कुस १:१५) पाप छोडके सक्कु हृदयसे परमेश्वर ओर मन लगैना नै पश्चाताप हो ।
- २) प्रभु यीशू कहथा: 'हे सक्कु मेहनत कैना ओ पापके बोभसे लादल मनै हो, मोरथेन आउ, मै तुहिनहे विश्राम देम' (मत्ति ११:२८) । 'मोरथेन अइना मनैनहे मै कौनो रीतिसे इन्कार नै करम' (यूहन्ना ६:३७) । प्रार्थनामे अपनीनके पाप धार्के नम्र हुके प्रभु यीशूक थेन् आइ । उहाँ अपनिक सक्कु पाप क्षमा कैदिहि ओ इमान्दारसे उहाँक थेन अइना मनैनहे उहाँ इन्कार नैकैथा ।
- ३) 'ओ उहाँक छावा यीशूके रगतसे हम्महिन् सक्कु पापसे शुद्ध पारथ' (यूहन्ना १:७) । मुक्ति पाइकलक अपनि यीशू खीष्टमे किल भरोसा कैबो ।
- ४) प्रभु यीशू कहथा: 'जे मोरीक वचन सुनी ओ मही पठुइयकमे विश्वास करी, ओकर थेन अनन्त जीवन बा, ओ ऊ न्यायमे नैपरी, लेकिन मृत्युसे जीवनमे सर रहथ' (यूहन्ना ५:२४) । 'यकरकारण केउ खीष्टमे बा कलेसे उ एक थो लावा सृष्टि हो, पुरान बात बितराखल, हेरो, सक्कु लावा हुइल बा' (२ कोरिन्थी ५:१७) ।
- ५) 'यकरकारण विश्वाससे धर्मी ठहरलक ओसें हमार प्रभु यीशू खीष्टसे परमेश्वरसँगक हमार मिलाप हुइलबा' (रोमी ५:१) । प्रभु यीशूमे विश्वास कैके अपनि परमेश्वरसंग मिलाप कैले बती, यकरकारण अपनिक मनमे शान्ति ओ मुक्ति पैले बती ।

'ओ गवाही यहे हो- परमेश्वर हम्महिन् अनन्त जीवन देले बत्ताँ, ओ यी

ओंकरमे जीवन नैरही, मै तुहिनहे अथवा परमेश्वरके छावाकमे विश्वास कैना मनैनके लक यी बात लिखले बतु, कि तुहिनसँगे अनन्त जीवन बा कहना बात तुहिनहे थाहा हुई' (१ यूहन्ना ५:११-१३) ।

लावा जीवन कैसिक जीना ?

- १) हरेक दिन बाइबल पढ़बी । परमेश्वरके वचन हमार डगराके लक दिया किल नै हुके यी हमार आत्मिक भोजन फेन हो , 'लावा जन्मलक वचनजस्ते वचनके विशुद्ध दुधके तिसना करो ओ यीहीसे तुहुरे बढ़ती जाओ' (१ पत्रुस २:२) । अपनिनहे विश्वासमे बढ़क लक परमेश्वरके पवित्र आत्मासे अपनिनहे अगुवाई कही ओ सत्यके ज्ञान दिही कहिके प्रार्थना करे सिकी ।
- २) यीशूके नाउमे प्रार्थना कैति दिनदिने परमेश्वरसँगक लगक सम्बन्ध राखी । 'कौनो चिजमे चिन्तित नाहोउ, लेकिन सक्कु चिजमे धन्यवादी हुके प्रार्थना ओ अन्तर्विन्ती कैति तुहिनके मगलक चिज परमेश्वर थेन सुनवाई हुई ओ परमेश्वरके शान्तिसे जे सारा समझहे माथ करथ, तुहिनके हृदय ओ विचारहे खीष्ट यीशूमे रक्षा हुइ' (फिलिप्पी ४:६,७) ।
- ३) प्रभु यीशूके विषयमे आउर जनहन बतैबी । 'अपन घरमे जाके परमप्रभु तोहारलक कत्ना भारी काम कैला ओ तोहार पर कैसिन दया देखैला, यी बात अपन मनैनहे सुनाउ' (मर्कूस ५:१९) ।
- ४) परिक्षाके समयमे प्रभुहे पुकारी । 'काहेकी परीक्षित हुके उहाँ अपनेहे दुःख भोगलक ओसे परीक्षामे परल मनैनहे सहायता कैना उहाँ योग्य बतौ' (हिब्रु २:१८) ।
- ५) यदि अपनी कौनो पापमे फस्ली कलेसे यी बात भत्ते परमेश्वरकेथेन स्वीकार करी । 'यदि हम्रे अपन पापके स्वीकार करब कलेसे हमार पाप क्षमा करकलक ओ हम्रहिन सक्कु अधर्मसे शुद्ध पारक लक उहाँ विश्वासयोग्य ओ धर्मी बता' (१ यूहन्ना १:९) ।
- ६) प्रभु यीशूमे विश्वास कैना मनैनसगे भेटना ओ भेला कैना कोशिस करी । 'जैसिकमै तुहिन प्रेम कैले बतु, ओस्तेक ननहे तुहुरे फेन एक-दोसर जनहनह

प्रेम करो, यी मोर आज्ञा हो' (यूहन्ना १५:१२) ।

- ७) सक्कु दिन परमेश्वरके आज्ञा पालन करी । 'कैउ महीहे प्रेम करथ कलेसे उ मोर वचन पालन करी' (यूहन्ना १४:२३) ।
- ८) अपनि कौनो चिजसे फेन नडराई, काहेकी प्रभु यीशू अपनिक सगे बता । 'प्रभु अपनेहे कहथा: मै तुहिन कौनो रीतिसे नैछोडम्, ना ते तुहिनहे कौनो रीतिसे त्यागम्', (हिब्रु १३:५) ।
- ९) पूरा रूपमे अपनेहे प्रभु यीशूके हातमे अर्पण करी । प्रभुहे उहाँके सिद्ध इच्छा अनुसार अपनिक जीवनमे अगुवाई कैना अनुमति दि । अद्रसिक अपनी सहि आनन्द पइबी । 'अपन शरीर पवित्र परमेश्वरहे मनपर्ना जित्ती बलिदानके रूपमे चढाओ, यह तुहिनके उचित सेवा हा' (रोमी १२:१) ।

यदि अपनी प्रभु यीशूमे विश्वास कैके मुक्ति पैले बती कलेसे अथवा हमार थेनसे प्रस्तुत हुइलक पर्चा-पत्रिकासे आउर कौनो आशिष पैले बति कलेसे कृपा कैके यी बात पत्रमे लेखके हम्रहिन खबर कैबी । अपनिक लक हम्रे परमेश्वरहे धन्यवाद देहक चाहथी, साथे हमार प्रार्थनामे अपनिनहे सम्भना करक इच्छुक बती । धन्यवाद ।

यदि अपनी यी सम्बन्धमे आउर धेर जानक चाहती कलेसे यी त्रेगानामे पत्रचार कर्बी :

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For free Gospel literature, books and tracts in over 540 languages, write to:

EMAIL: info@angp.co.za

ALL NATIONS GOSPEL PUBLISHERS
P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)